

Gnagi-Essen 2014, die besten Sprüche

Ausgewählte Sprüche von Landschryber Urs Liechti

"Ech wott lenger schaffe – aber nor e chlii, chlii',

Seid de Uni-Rekter Paul Richlii.

'Dein Wunsch sei mir Befehl', seid de Reto Wyss,

Ond jetz hemmer wäg de Uni es huere Gschiiss..."

"Fasch es Johr lang han ech alti Gnagi-Rede abgschrebe.

Es esch e Chrampf gseh, das esch ned öbertrebe.

De Profässer Mörgali hed die Sach onder d'Lupe gnoh,

Ond dank ehm han ech jetzt de Dokter-Titel überchoh..."

"Am Heilig-Obig han ech mini Frau verpröglet.

D'Sanität hed si de is Spital ine zöglet.

Do seid d'Yvonne Schärli, ech syg genau de richtig Maa,

Ech chöing sofort s'Amt vom Polizei-Chef haa..."

"Tönnd d'Schtüüre sänke, tönnd d'Schtüüre sänke, tönnd d'Schtüüre sänke.

Tönnd au e chli a di arme , arme Riiche tänke.

Töönd d'Schuelhüüser ganz schliesse, ond scheckid d'Goofe hei,

Denn tommi Mönsche seichid de Hochfinanz ned as Bei..."

"D'Stadt Lozärn verschänkt i de Tourischte Imodium,

Die Idee esch gar ned tomm!

Ond d'Hotel dönd de Gescht schwarzi Schoggi verteile.

Ned, dass si bym Löwe-Dänkmol no mönd eine go abseile..."

"D'Stadt Lozärn tued sech om d'Tourische riisse,
Aber sie söttid eifach ned by öis go schii..."

"S'Stämmer Ursi han i gfrogt, was si so miech.
Do seid si mir, ech syg e blööde Siech!
Die Froog syg eifach ned zom Lache,
Si wösssi jo säuber ned, was si genau töig mache..."

"Die höch Ossländer-Kriminalität ged vöu z'diskutiere.
D'Sozis wend das Problem of ei Schlag eliminiere.
Eri Idee: Jede, wo inechond, söu sofort de Schwyzer Pass überchoh.
Denn de schtod er, wen er kriminell wird, nömm als Ossländer do..."

"Scho vöu han ech i mym Läbe verboche,
De eint oder ander met em Mässer abegschoche.
Doch vor em Rechter han ech afo schtraahle,
Wöu de Staat dued mer e nöii Wohnig inklusiv Psychologin zaahle..."

"Letschti esch mer e komische Sach passiert:
D'Elisabeth Kopp hed mer telefoniert.
Ond syttem – die Gschecht esch ned zum Lache –
Tued mech de Moritz Leuebärger überwache..."

"D'Natalie Rickli hed eres Böörn-Out überwonde
Ond de Wäg zrogg i d'Politik gfonde.
Aber mech tonkts – es esch zwar ned charmant -,
Die Frau syg glich no komplett hernverbrannt..."

"Woni mou z'metzt i de Nach hei cho be,

Do send zwee librächer i minere Wohnig gsee.

Doch wo si mer gseid hend, si sigid Kriminaltourische ond giengid gli weder zu de Schwiiz use,

Do ben ech totau beruhigt is Näscht go pfluuse...

He jo, schliesslech regt's eim uf, wenn das huere Soupack do wott bliibe."

Vom Bernard Kobler han i öberchoh es Schriibe,

Syni Ex-Geliebti dög ehn no i Wahnsenn triibe!

Frömdi, wiiblechi Fleischesloscht möis är per sofort vergässe;

I Zuekonft möig är nome no es Gnagi frässe..."

"De Dragomir ond de Miroslav mönnd zurzit e Haftschtroof verbüesse,

Trotzdem lönd si öich ganz hätzlech lo grüesse.

Si fröiid sech of dä Tag, wo si weder usehönd ond hei –

Ond natürlech au scho of di nöchschi Schlegerei..."

"Wotsch kei Lämpe met de Lengge,

Machsich kei Wetz me öber d'Tschengge!"

Ausgewählte Sprüche von Schatzmeister Hans Pfister

"D' LuKaBe verkauft neu Schoggi,
Benennt nach ihrem höchste Joggi!
Was die do händ, das weiss e käne,
Sie hend au Büro z'Züri äne!
Chli Süesses schläcke isch ned ohne,
Ich danke do a d'Koblerohne!"

"D'Spatze hends vo de Dächer pfeffe,
Z'Lozärn chasch nömme gratis go scheffe!
Jetzt tüend mier uf e Stadttrot lose
Und schiffed grad vor Fröid i d'Hose!
Vo dere WC-Strategie
Wird niemer gross begeischtred si!"

"Do isch jo no de Schwarzebach,
De hed doch jetz en Sprung im Dach!
En Metro a Grendel vom Ibach här,
Wie wenn das jemals machbar wär!
Säget's dem, und zwar ganz schnell,
Mier heiged jo do d'VBL!
De Bucherer sell zom Ibach laufe
Und dötte sini Uhre verchaufe!"

"Und jetzt zum Schluss, ich säg's ganz schnell,
No zwöi, drü Wort zum FCL!"

Es Wunder sell gscheh, das isch doch zum Lache,
Us Händöpfel chasch keini Orange mache!"

"De neu Sportchef Alex Frei,
De fühl sich do scho wie dehei!
'Ech ha die Freud do chönne gspüre,
Mi Name stoht do im Stadion
A jedere offene Schissitüre!"